

NORMANNIA.

220

Sancti Machlovii, vernacule *S. Malo*. *Dinan* opidum pulchritudinis eximiae, in deliciis aliquando Britanniae Ducibus. Sunt & Britanniae Superioris alia Opida *Rieulx*, *Chasteau-briant*, *Lambellu*, *Uitray*, *Jugon*, *S. Aulbin du Cormier*, *Mont-contour*, *Plehel*, *Jocelin*, *Malestroit*, *Pontigni*, *S. Julian*, *Encenis*, denique, extremum versus *Pictones*, sub quo comprehendi solent ditiones, quae vulgo *Clissonis*, *Kai*, & aliae. In inferiore urbes & opida celebriora: *Veneria* hodie *Vannes*; *S. Pauli Fanum*, *S. Paul de Leon*, *Tricorienſe* Opidum, vulgo *Triguier*; *Blabia* nunc *Blavet*, *Morlaix*, *Quimpelray*, *Conquerneaux*, *Quimpercorentin*, *S. Regnaud des bois* & alia. Domitia sunt *Montford* Comitatus, *Roban* Vicecomitatus, *Grello* cujus principalis locus *Chasteau Andron*. *Le Pais de Guel*. *Baignon*, *Montfort*, *Vannetais*. Flumina Britanniae sunt *Ligeris*, *Rausa*, *Ella* & alia Mare commerciis aptissimum est: unde Sal extrahunt adcolae, quod ab Sole induratum Conregionalibus vendunt. Praeter autem superiores urbes & opida, commodissimos etiam Portus praestant *Brest*, *Ancrayum*, *Hanebontum*, *Pontsecrot*, ubi magna Ostrearum copia legitur. Archiepiscopus *Dolensis* in *Dol*, hos sub se habet Episcopos: *Nannetensem*, *Nantes*, *Venerensem*, *Vannes*: *Briocensem*, *S. Brien*, in his tribus Gallice & Britannice loquuntur. *Curisoprensem*, *Cornouaille*; *Leonensem*, *S. Paul de Leon*; *Tricoriensem*, *Triguier*. In quibus Britannica tantum lingua, quam vocant *Briton*. *Britonant*, in usu est, quam veterum Trojanorum linguam esse putant. *Machlovienſem*, *Saint Malo*; *Redonensem*, *Renes*. Incole non omnes eadem animi alacritate, non omnes eadem comitate: plerique tamen cauti lucrique cupidi: gravissima negotia ad potula tractare soliti.

Flumina.

Mare.

Portus.

Mores.

Status Ecclesiasticus.

Normannia, unde dicta.

Situs.

Solifertilitas.

Imperium majorem.

Normannia sic dicta a Populis Septentrionalibus: *Nort* enim, Idiomate Germanico, *Septentrionalis* Orbis terrarum, plagae: *Man*, *Vir*: *Normannia*, Terra Franciae viris eo ab Septentrionali ora vel Arctico orbe ex *Dania* *Norwegia*que profectis ad habitandum data. Notae sunt *Normannorum* in Germaniam Galliamque excursions. *Normannia* autem ad Occidentem *Crenone* fluvio a Britannia secernitur, a Septentrione Oceano terminatur, a Meridie *Cenomannis*: ad Orientem vero habet Franciam proprie dictam, (in qua est *Lutetia*) a qua flumine *Epta* distinguitur. Itaque tota non pertinet ad Galliam *Lugdunensem*, sed aliqua ejus pars ad Belgicam spectat. Eam sexto vix die expeditus pertranseat. Regio fertilissima, Frumenti admodum ferax, Pomis atque Piris adeo referta, ut hinc potum gens sibi affatim exprimat, & ad externos copiose Fructus exportet. Estque pecoris magna copia. *Rollo* *Normannus* atrocissima excursionem in pleraque Galliarum littoralia & inde porro in loca mediterranea & penitissima, ad tantam tandem redegit necessitatem *Carolus* *Simplicem* *Francorum* Regem, ut *Rolloni*, ad Christianam pietatem invitato, filiam *Gillam* dederit uxorem, totamque dotis nomine *West-richam*, & qui super *Ligerim* *Britannos*, primusque hic factus est Dux *Normanniae*. Urbis primaria est *Rotomagum* vulgo *Rouen*. Fluvius adfidet, ad Meridiem quidem *Sequana*, maximarum navium (unde ingens Mercaturae commoditas) capaci; ad Orientem minoribus *Rubeco* & *Auberta*; ad Septentrionem